

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ  
ՈՐՈՇՈՒՄ**

**4 հոկտեմբերի 2007 թվականի N 1268-Ն**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՈՒՏՔԻ ՎԻՉԱ ՍՏԱՆԱԼՈՒ ԴԻՄՈՒՄԻ ՀԵՏ  
ՆԵՐԿԱՅԱՑՎՈՂ ՓԱՍՏԱԹՂԹԵՐԻ ՑԱՆԿԸ, ԴԻՄՈՒՄԻ ՔՆՆԱՐԿՄԱՆ, ՍՈՒՏՔԻ ՎԻՉԱՆԵՐԻ  
ՏՐԱՄԱԴՐՄԱՆ ԿԱՐԳԸ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՈՒՏՔԻ ՎԻՉԱՅԻ  
ՏՐԱՄԱԴՐՄԱՆ (ԺԱՄԿԵՏԻ ԵՐԿԱՐԱԶԳՄԱՆ), ՄԵՐԺՄԱՆ, ՍՈՒՏՔԻ ՎԻՉԱՆ ՈՒԺԸ  
ԿՈՐՑՐԱԾ ՃԱՆԱՉԵԼՈՒ ԿԱՄ ՍՈՒՏՔԻ ՄԵՐԺՄԱՆ ՄԱՍԻՆ ՕՏԱՐԵՐԿՐՑԱ ՔԱՂԱՔԱՑՈՒ  
ԱՆՁՆԱԳՐՈՒՄ ԿԱՏԱՐՎՈՂ ՆՇՄԱՆ ՁԵՎԸ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՈՒՏՔԻ  
ՎԻՉԱՆԵՐՆ ԸՍՏ ԱՅՑԵԼՈՒԹՅԱՆ ՏԵՍԱԿԻ ԿՈՂԱՎՈՐԵԼՈՒ, ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ՍՈՒՏՔԻ ՎԻՉԱ ՍՏԱՑԱԾ ԱՆՁԱՆՑ ՏՎՅԱԼՆԵՐԻ ԲԱՆԿԻ ՎԱՐՄԱՆ,  
ՏՎՅԱԼՆԵՐԻ ՍՈՒՏՔԱԳՐՄԱՆ ԵՎ ՏՐԱՄԱԴՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ**

Համաձայն "Օտարերկրացիների մասին" Հայաստանի Հանրապետության օրենքի 8-րդ հոդվածի 5-րդ մասի, 9-րդ հոդվածի 8-րդ մասի եւ 10-րդ հոդվածի 2-րդ ու 7-րդ մասերի պահանջների՝ Հայաստանի Հանրապետության կառավարությունը որոշում է.

1. Հաստատել՝

1) Հայաստանի Հանրապետության մուտքի վիզա ստանալու դիմումի հետ ներկայացվող փաստաթղթերի ցանկը՝ համաձայն N 1 հավելվածի.

2) Հայաստանի Հանրապետության մուտքի վիզա ստանալու դիմումի քննարկման, մուտքի վիզաների տրամադրման (ժամկետի երկարաձգման) կարգը՝ համաձայն N 2 հավելվածի.

3) Հայաստանի Հանրապետության մուտքի վիզայի տրամադրման, ժամկետի երկարաձգման, մերժման, մուտքի վիզան ուժը կորցրած ճանաչելու կամ մուտքի մերժման մասին օտարերկրյա քաղաքացու անձնագրում կատարվող նշման ձևը՝ համաձայն N 3 հավելվածի.

4) Հայաստանի Հանրապետության մուտքի վիզաներն ըստ այցելության տեսակի կոդավորելու կարգը՝ համաձայն N 4 հավելվածի.

5) Հայաստանի Հանրապետության մուտքի վիզա ստացած անձանց տվյալների բանկի վարման, տվյալների մուտքագրման եւ տրամադրման կարգը՝ համաձայն N 5 հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՍՏՈՐԱԳՐՎԵԼ Է ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԿՈՂՄԻՑ  
2007 ԹՎԱԿԱՆԻ ՆՈՅԵՄԲԵՐԻ 5-ԻՆ

**ՑԱՆԿ**  
**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՈՒՏՔԻ ՎԻԶԱ ՍՏԱՆԱԼՈՒ ԴԻՄՈՒՄԻ ՀԵՏ**  
**ՆԵՐԿԱՅԱՑՎՈՂ ՓԱՍՏԱԹՂԹԵՐԻ**

1. Հայաստանի Հանրապետության մուտքի վիզա ստանալու համար օտարերկրացին մուտքի վիզա տրամադրող մարմին է ներկայացնում՝

1) միջազգայնորեն ճանաչված՝ անձը հաստատող ճամփորդական փաստաթուղթ կամ անձնագիր.

2) դիմում-հարցաթերթիկ (N 1 ձև), որում անգլերենով կամ հայերենով լրացվում են՝

ա. ազգանունը, անունը (առկայության դեպքում՝ հայրանունը)՝ անգլերենով, տպատառ,

բ. ծննդյան օրը, ամիսը, տարեթիվը եւ վայրը,

գ. քաղաքացիությունը,

դ. սեռը,

ե. մշտական բնակության վայրը (հասցեն) (առկայության դեպքում՝ նաեւ Հայաստանի Հանրապետությունում գտնվելու վայրը (հասցեն) եւ հեռախոսահամարները,

զ. զբաղմունքը,

է. այցելության (վիզայի ժամկետի երկարաձգման) նպատակը,

ը. այցերի թիվը եւ կեցության ժամկետը,

թ. ընդունող կազմակերպության անվանումը (հրավիրողի անունը, ազգանունը) եւ գտնվելու վայրը,

ժ. անձնագրի սերիան եւ համարը, տալու եւ վավերականության ժամկետները,

ժա. դիմելու նպատակը,

ժբ. դիմում-հարցաթերթիկի լրացման ամսաթիվը,

ժգ. քաղաքացու ստորագրությունը.

3) դիմում-հարցաթերթիկի ներքեւի մասում մուտքի վիզան տրամադրած մարմնի պաշտոնատար անձի կողմից նշվում են վիզայի համարը, տեսակը, կողը, վիզան տալու (ժամկետը երկարաձգելու) եւ դրա վավերականության ժամկետները, Հայաստանի Հանրապետության մուտքի վիզայի տրամադրման կամ վիզայի ժամկետի երկարաձգման համար վճարված պետական տուրքի չափը: Վիզան տրամադրած մարմնի պաշտոնատար անձը նշումները հաստատում է իր ստորագրությամբ.

4) դիմում-հարցաթերթիկին փակցնելու համար Հայաստանի Հանրապետության տարածքում, օտարերկրյա պետություններում Հայաստանի Հանրապետության դիվանագիտական ներկայացուցչությունների կամ հյուպատոսական հիմնարկների կողմից տրվող մուտքի վիզաների դեպքում՝ 35 x 45 մմ չափսի գունավոր լուսանկար, իսկ Հայաստանի Հանրապետության պետական սահմանի անցման կետերում դիմում-հարցաթերթիկին կցվում է օտարերկրացու անձնագրի պատճենը.

5) հրավերի հիման վրա Հայաստանի Հանրապետություն այցելելու դեպքում՝ նաեւ

հրավերը հավաստող համապատասխան փաստաթուղթ, իսկ տարանցիկ մուտքի վիզա ստացող օտարերկրացին՝ դեպի երրորդ երկիր ուղեւորներ կամ երրորդ երկրի մուտքի վիզա.

6) մինչև 18 տարեկան օտարերկրացին՝ նաև ծնողների կամ ծնողներից որեւէ մեկի, օրինական ներկայացուցչի, ուղեկցողի հետ միասին այցելելու կամ միայնակ, Հայաստանի Հանրապետությունում գտնվող ծնողների կամ ծնողներից որեւէ մեկի, այլ օրինական ներկայացուցչի մոտ կամ ընդունող կազմակերպություն այցելությունը հավաստող փաստաթուղթ (ծնողների, ծնողներից որեւէ մեկի կամ օրինական ներկայացուցչի կողմից ներկայացված դիմում կամ ընդունող կազմակերպության կողմից ներկայացված միջնորդագիր).

7) խմբակային մուտքի վիզա ստանալու համար՝ խմբի անդամների ցուցակը, որում պետք է նշված լինեն խմբի անդամների անունները, ազգանունները, առկայության դեպքում՝ հայրանունները, ծննդյան օրը, ամիսը, տարեթիվը, քաղաքացիությունը, Հայաստանի Հանրապետությունում համատեղ գործունեություն իրականացնելը հիմնավորող փաստաթուղթ.

8) պաշտոնական կամ դիվանագիտական մուտքի վիզաների համար՝ համապատասխան պաշտոնական հայտագիր.

9) պետական տուրքի վճարման անդորրագիր:

### Ձև N 1

ԴԻՄՈՒՄ-ՀԱՐՑԱԹԵՐԹԻԿ \_\_\_\_\_.

|Լուսանկար|

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՈՒՏՔԻ ՎԻԶԱ ՍՏԱՆԱԼՈՒ |Recent |  
(ՎԻԶԱՅԻ ԺԱՄԿԵՏԸ ԵՐԿԱՐԱԶԳԵԼՈՒ) ՀԱՄԱՐ |photo |  
APPLICATION FORM FOR ENTRY VISA TO THE REPUBLIC OF | |  
ARMENIA (FOR EXPANSION OF THE TERM OF THE VISA) \_\_\_\_\_.

1. Ազգանունը, անունը/Surname, name \_\_\_\_\_

2. Ծննդյան օրը, ամիսը, տարեթիվը եւ վայրը/Date & place of birth \_\_\_\_\_

3. Քաղաքացիությունը/Nationality \_\_\_\_\_ 4. Սեռը/Sex \_\_\_\_\_

5. Հասցեն/Address \_\_\_\_\_

\_\_\_\_\_ 6. Հեռախոսը/Telephone \_\_\_\_\_

7. Զբաղմունքը/Occupation \_\_\_\_\_

8. Այցելության (վիզայի ժամկետի երկարաձգման) նպատակը/Purpose of visit  
(for expansion of the term of the visa) \_\_\_\_\_

9. Այցերի թիվը \_\_\_\_\_ 10. Կեցության ժամկետը  
Number of entries \_\_\_\_\_ Duration of stay \_\_\_\_\_

11. Ընդունող կազմակերպության անվանումը (հրավիրողի ազգանունը, անունը եւ գտնվելու վայրը) Name & address of inviting organization/person

---

12. Անձնագրի տեսակը եւ համարը/Passport type & number \_\_\_\_\_

13. Երբ է տրված

Issued on \_\_\_\_\_

14. Ուժի մեջ է մինչեւ

Valid until \_\_\_\_\_

15. Դիմելու նպատակը (ընդգծել)՝ տրամադրել մուտքի վիզա, երկարաձգել վիզայի ժամկետը

The purpose of apply (to mark) to provide entry visa to expansion of the term of visa

16. Ամսաթիվը

Date \_\_\_\_\_

17. Ստորագրությունը

Signature \_\_\_\_\_

Ծառայողական նշումներ / For official use only

1. Վիզայի համարը \_\_\_\_\_

2. Վիզայի տեսակը \_\_\_\_\_

3. Վիզայի կողը \_\_\_\_\_

4. Վիզան տալու (ժամկետը երկարաձգելու) եւ դրա վավերականության ժամկետը

---

5. Վիզայի տրամադրման կամ մուտքի վիզայի ժամկետի երկարաձգման համար վճարված պետական տուրքի չափը \_\_\_\_\_

6. Ստորագրությունը \_\_\_\_\_

**ԿԱՐԳ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՈՒՏՔԻ ՎԻԶԱ ՍՏԱՆԱԼՈՒ ԴԻՄՈՒՄԻ ՔՆՆԱՐԿՄԱՆ,  
ՄՈՒՏՔԻ ՎԻԶԱՆԵՐԻ ՏՐԱՄԱԴՐՄԱՆ (ԺԱՄԿԵՏԻ ԵՐԿԱՐԱԶԳՄԱՆ)**

1. Օտարերկրյա պետություններում Հայաստանի Հանրապետության մուտքի վիզա տալիս են Հայաստանի Հանրապետության դիվանագիտական ներկայացուցչությունները կամ հյուպատոսական հիմնարկները, իսկ Հայաստանի Հանրապետության պետական սահմանի անցման կետերում կամ անհրաժեշտության դեպքում նաև Հայաստանի Հանրապետության տարածքում՝ Հայաստանի Հանրապետության կառավարությանն առընթեր Հայաստանի Հանրապետության ոստիկանության անձնագրային եւ վիզաների վարչությունը (այսուհետ՝ անձնագրային եւ վիզաների վարչություն), ինչպես նաև Հայաստանի Հանրապետության արտաքին գործերի նախարարությունը:

2. Օտարերկրացու կողմից Հայաստանի Հանրապետության մուտքի վիզա ստանալու համար անհրաժեշտ փաստաթղթերն օտարերկրյա պետություններում Հայաստանի Հանրապետության դիվանագիտական ներկայացուցչություն կամ հյուպատոսական հիմնարկ, իսկ Հայաստանի Հանրապետության պետական սահմանի անցման կետերում կամ անհրաժեշտության դեպքում նաև Հայաստանի Հանրապետության տարածքում՝ անձնագրային եւ վիզաների վարչություն կամ դրա համապատասխան ստորաբաժանում, ինչպես նաև Հայաստանի Հանրապետության արտաքին գործերի նախարարություն ներկայացվելուց հետո օտարերկրացու անձնագրային տվյալները մինչև 3 աշխատանքային օրվա ընթացքում (Հայաստանի Հանրապետության պետական սահմանի անցման կետերում՝ անմիջապես) համապատասխան պաշտոնատար անձի կողմից մուտքագրվում են համակարգչային պահոց: Համակարգչային ծրագրով օտարերկրացու անձնագրային տվյալներն ստուգվում են Հայաստանի Հանրապետության տարածքում անցանկալի համարվող օտարերկրացիների տվյալների բանկով:

3. Հայաստանի Հանրապետության տարածքում անցանկալի համարվող օտարերկրացիների տվյալների բանկում օտարերկրացու մասին տվյալների բացակայության դեպքում օտարերկրացու անձնագրում փակցվում է Հայաստանի Հանրապետության մուտքի վիզա՝ հաստատված մուտքի վիզայի տրամադրման կնիքով եւ վիզան տրամադրող պաշտոնատար անձի ստորագրությամբ:

4. Հայաստանի Հանրապետության տարածքում անցանկալի համարվող օտարերկրացիների տվյալների բանկում օտարերկրացու մասին տվյալների առկայության դեպքում օտարերկրացու անձնագրում համապատասխան դրոշմակնիքով կատարվում է Հայաստանի Հանրապետության մուտքի վիզայի տրամադրումը մերժելու մասին նշում:

5. Այն պետությունների քաղաքացիները, ովքեր կարող են Հայաստանի Հանրապետություն մուտք գործել միայն հրավերի հիման վրա, մուտքի վիզա ստանալու համար կարող են դիմել միայն օտարերկրյա պետություններում Հայաստանի Հանրապետության դիվանագիտական ծառայության մարմիններ եւ հյուպատոսական հիմնարկներ՝ միայն համապատասխան հրավերի առկայության դեպքում:

6. Օտարերկրյա պետություններում Հայաստանի Հանրապետության դիվանագիտական ներկայացուցչության կամ հյուպատոսական հիմնարկի, իսկ Հայաստանի Հանրապետության պետական սահմանի անցման կետերում անձնագրային եւ վիզաների վարչության համապատասխան ստորաբաժանման կողմից Հայաստանի Հանրապետության մուտքի խմբակային վիզաներ տրվում են Հայաստանի Հանրապետությունում նույն ժամկետով համատեղ գործունեություն իրականացնող խմբերին:

7. Խմբակային մուտքի վիզա տրամադրելու համար խմբի յուրաքանչյուր անդամի անձնագրային տվյալները սույն կարգի 2-րդ կետով նախատեսված կարգով մուտքագրվում են համակարգչային պահոց: Հայաստանի Հանրապետության տարածքում անցանկալի համարվող օտարերկրացիների տվյալների բանկում օտարերկրացիների մասին տվյալների բացակայության դեպքում ներկայացված խմբի անդամների ցուցակի վրա փակցվում է Հայաստանի Հանրապետության մուտքի վիզա՝ խմբի անդամների թվի մասին նշմամբ: Մուտքի վիզան հաստատվում է մուտքի վիզայի տրամադրման կնիքով եւ մուտքի վիզան տրամադրող պաշտոնատար անձի ստորագրությամբ:

8. Հայաստանի Հանրապետության տարածքում անցանկալի համարվող օտարերկրացիների տվյալների բանկում խմբի անդամի մասին տվյալների առկայության դեպքում տվյալ օտարերկրացու անձնագրում՝ համապատասխան դրոշմակնիքով, իսկ ցուցակում՝ տվյալ քաղաքացու անվան դիմաց ձեռագիր կատարվում է Հայաստանի Հանրապետության մուտքի վիզայի տրամադրումը մերժելու մասին նշում:

9. Հայաստանի Հանրապետության արտաքին գործերի նախարարությունը տրամադրում է էլեկտրոնային մուտքի վիզաներ: Էլեկտրոնային մուտքի վիզան տրվում է առանց հրավերի: Այն ստանալու համար կարող են դիմել միայն հրավերի հիման վրա Հայաստանի Հանրապետություն մուտք գործելու հնարավորություն ունեցող Հայաստանի Հանրապետության կառավարության սահմանած ցանկում չնշված պետությունների քաղաքացիները:

10. Օտարերկրացի անգլերենով լրացնում է էլեկտրոնային դիմում-հարցաթերթիկ, որում նշվում են հետեւյալ տվյալները՝

- 1) ազգանունը, անունը (առկայության դեպքում՝ հայրանունը),
- 2) ծննդյան օրը, ամիսը, տարեթիվը եւ վայրը,
- 3) քաղաքացիությունը,
- 4) սեռը,
- 5) զբաղմունքը,
- 6) մշտական բնակության վայրը (հասցեն) (առկայության դեպքում՝ նաեւ Հայաստանի Հանրապետությունում գտնվելու վայրը) եւ հեռախոսահամարները,
- 7) այցելության նպատակը,
- 8) այցերի թիվը եւ ժամկետը,
- 9) ընդունող կազմակերպության անվանումը եւ գտնվելու վայրը (հրավիրողի անունը, ազգանունը եւ գտնվելու վայրը),
- 10) անձնագրի սերիան եւ համարը, տալու եւ վավերականության ժամկետները,
- 11) դիմում-հարցաթերթիկի լրացման ամսաթիվը,

11. Սույն կարգի 10-րդ կետում նշված տվյալներն ստանալուց հետո մուտքագրվում են համակարգչային պահոց: Համակարգչային ծրագրով օտարերկրացու անձնագրային տվյալներն ստուգվում են Հայաստանի Հանրապետության տարածքում անցանկալի համարվող օտարերկրացիների տվյալների բանկով: Բանկում օտարերկրացու

մասին տվյալների բացակայության դեպքում մինչև 3 աշխատանքային օրվա ընթացքում օտարերկրացուն էլեկտրոնային եղանակով ծանուցվում է Հայաստանի Հանրապետություն մուտք գործելու իրավունքի մասին եւ տրվում է վիզայի հերթական համար:

12. Հայաստանի Հանրապետության դիվանագիտական եւ պաշտոնական մուտքի վիզաները տալիս է Հայաստանի Հանրապետության արտաքին գործերի նախարարությունը, ինչպես նաեւ՝ օտարերկրյա պետություններում Հայաստանի Հանրապետության դիվանագիտական ներկայացուցչությունները կամ հյուպատոսական հիմնարկները՝ համապատասխան պաշտոնական հայտագրի հիման վրա:

13. Պաշտոնական հայտագիրը Հայաստանի Հանրապետության արտաքին գործերի նախարարություն, ինչպես նաեւ օտարերկրյա պետություններում Հայաստանի Հանրապետության դիվանագիտական ներկայացուցչություններ կամ հյուպատոսական հիմնարկներ ներկայացնում են օտարերկրյա պետությունների արտաքին գործերի բնագավառում լիազորված պետական կառավարման մարմինները, միջազգային կամ դիվանագիտական կարգավիճակ ունեցող կազմակերպություններն ու դրանց գրասենյակները, ինչպես նաեւ օտարերկրյա դիվանագիտական ներկայացուցչությունները կամ հյուպատոսական հիմնարկները:

14. Հայաստանի Հանրապետության տարածքում հավատարմագրված դիվանագետների, դիվանագիտական ներկայացուցչությունների կամ հյուպատոսական հիմնարկների, միջազգային կամ դիվանագիտական կարգավիճակ ունեցող կազմակերպությունների եւ դրանց գրասենյակների օտարերկրյա աշխատողներին, նրանց ընտանիքի անդամներին, Հայաստանի Հանրապետության արտաքին գործերի նախարարության կողմից համապատասխան

հավատարմագրում անցնելուց հետո տրվում են Հայաստանի Հանրապետության դիվանագիտական կամ պաշտոնական՝ մինչև երեք տարի վավերականության բազմակի մուտքի վիզաներ:

15. Հայաստանի Հանրապետության պետական սահմանի անցման կետ ժամանած եւ մուտքի վիզայի մերժում ստացած օտարերկրացու անձը հաստատող փաստաթուղթն անցման կետում անձնագրային եւ վիզաների վարչության համապատասխան ստորաբաժանման կողմից համապատասխան ակտով փոխանցվում է սահմանային հսկողություն իրականացնող պետական լիազորված մարմնին՝ օրենքով սահմանված կարգով քաղաքացուն իր ծագման պետություն, կամ այն պետություն, որտեղից քաղաքացին ժամանել է Հայաստանի Հանրապետություն, վերադարձնելու համար:

16. Հայաստանի Հանրապետության մուտքի վիզայի ժամկետը երկարաձգում կամ երկարաձգումը մերժում է անձնագրային եւ վիզաների վարչությունը կամ Հայաստանի Հանրապետության արտաքին գործերի նախարարությունը:

17. Հայաստանի Հանրապետության մուտքի վիզայի (նաեւ էլեկտրոնային մուտքի վիզաների) ժամկետի երկարաձգման համար օտարերկրացու կողմից (խմբակային մուտքի վիզայի դեպքում՝ խմբի ղեկավարի կողմից) Հայաստանի Հանրապետության մուտքի վիզայի ժամկետը լրանալուց առավելագույնը 15 օր առաջ անձնագրային եւ վիզաների վարչություն է ներկայացվում անձը հաստատող փաստաթուղթ, դիմում-հարցաթերթիկ՝ Հայաստանի Հանրապետությունում իր գտնվելու անհրաժեշտության մասին նշմամբ: Անձնագրային եւ վիզաների վարչությունը երկու աշխատանքային օրվա ընթացքում երկարաձգում է ժամկետը կամ մերժում է վիզայի ժամկետի երկարաձգման մասին դիմումները:

18. Սույն կարգի 5-րդ կետում նշված օտարերկրացիների մուտքի վիզաների ժամկետների երկարաձգման մասին անձնագրային եւ վիզաների վարչության կողմից երեք աշխատանքային օրվա ընթացքում հայտնվում է Հայաստանի Հանրապետության կառավարությանն առընթեր ազգային անվտանգության ծառայությանը:

Հավելված N 3  
ՀՀ կառավարության  
2007 թվականի հոկտեմբերի 4-ի  
N 1268-Ն որոշման

#### **ԿԱՐԳ**

### **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՈՒՏՔԻ ՎԻԶԱՅԻ ՏՐԱՄԱԴՐՄԱՆ, ԺԱՄԿԵՏԻ ԵՐԿԱՐԱԶԳՄԱՆ, ՄԵՐԺՄԱՆ, ՍՈՒՏՔԻ ՎԻԶԱՆ ՈՒԺԸ ԿՈՐՑՐԱՍԾ ԾԱՆԱԶԵԼՈՒ ԿԱՍ ՍՈՒՏՔԻ ՄԵՐԺՄԱՆ ՄԱՍԻՆ ՕՏԱՐԵՐԿՐՅԱ ՔԱՂԱՔԱՑՈՒ ԱՆՁՆԱԳՐՈՒՄ ԿԱՏԱՐՎՈՂ ՆՇՄԱՆ ՁԵՎԸ ՀԱՍՏԱՏԵԼՈՒ**

1. Սույն կարգով սահմանվում են Հայաստանի Հանրապետության կառավարությանն առընթեր Հայաստանի Հանրապետության ոստիկանության անձնագրային եւ վիզաների վարչության կամ դրա համապատասխան ստորաբաժանումների (այսուհետ՝ անձնագրային եւ վիզաների վարչություն), Հայաստանի Հանրապետության արտաքին գործերի նախարարության, օտարերկրյա պետություններում Հայաստանի Հանրապետության դիվանագիտական ներկայացուցչությունների եւ հյուպատոսական հիմնարկների կողմից օտարերկրացիներին Հայաստանի Հանրապետության մուտքի վիզայի, խմբակային մուտքի վիզայի տրամադրման, ժամկետի երկարաձգման, մուտքի վիզայի տրամադրման մերժման, մուտքի վիզայի ժամկետի երկարաձգման մերժման, մուտքի վիզան ուժը կորցրած ճանաչելու եւ Հայաստանի Հանրապետության կառավարությանն առընթեր ազգային անվտանգության ծառայության սահմանապահ գորքերի կողմից (այսուհետ՝ սահմանապահ գորքեր) Հայաստանի Հանրապետություն մուտքի մերժման մասին օտարերկրացու անձնագրում կատարվող նշումների ձևերը:

2. Վիզա տրամադրող մարմինների կողմից օտարերկրացու անձնագրում Հայաստանի Հանրապետության մուտքի վիզան փակցվելուց հետո այն հաստատվում է Հայաստանի Հանրապետության մուտքի վիզայի տրամադրման համար նախատեսված կնիքով եւ վիզան տրամադրող պաշտոնատար անձի ստորագրությամբ: Անձնագրային եւ վիզաների վարչության կողմից տրամադրվող մուտքի վիզաները հաստատվում են 30 մմ արտաքին շրջանագծով, 20 մմ ներքին շրջանագծով, Հայաստանի Հանրապետության զինանշանի պատկերով կլոր կնիքով, որի վրա նշված է մուտքի վիզան տրամադրող մարմնի համապատասխան կողը, երկու շրջանագծի միջակայքում հայերենով եւ անգլերենով նշված են "ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՀՀ ՈՍՏԻԿԱՆՈՒԹՅՈՒՆ ԱՆՁՆԱԳՐԱՅԻՆ ԵՎ ՎԻԶԱՆԵՐԻ ՎԱՐՉՈՒԹՅՈՒՆ", "POLICE OF THE REPUBLIC OF ARMENIA UNDER THE

GOVERNMENT OF THE REPUBLIC OF ARMENIA PASSPORT AND VISAS DEPARTMENT"  
բառերը: Հայաստանի Հանրապետության արտաքին գործերի նախարարության կողմից տրամադրվող մուտքի վիզաները հաստատվում են 20 մմ արտաքին շրջանագծով, 15 մմ ներքին շրջանագծով, Հայաստանի Հանրապետության զինանշանի պատկերով կլոր կնիքով, որի վրա նշված է մուտքի վիզան տրամադրող մարմնի համապատասխան կողը, երկու շրջանագծի միջակայքում հայերենով եւ անգլերենով նշված են "ՀՀ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ", "MINISTRY FOR FOREIGN AFFAIRS OF ARMENIA" բառերը: Օտարերկրյա պետություններում Հայաստանի Հանրապետության դիվանագիտական ներկայացուցչությունների եւ հյուպատոսական հիմնարկների կողմից տրամադրվող մուտքի վիզաները հաստատվում են 20 մմ արտաքին շրջանագծով, 15 մմ ներքին շրջանագծով, Հայաստանի Հանրապետության զինանշանի պատկերով կլոր կնիքով, որի վրա նշված է մուտքի վիզան տրամադրող մարմնի գտնվելու քաղաքի անվանումը, երկու շրջանագծի միջակայքում հայերենով եւ անգլերենով նշված են "ՀԱՅԱՍՏԱՆԻ ԴԵՍՊԱՆՈՒԹՅՈՒՆ" կամ "ՀՀ ԳԼԽԱՎՈՐ ՀՅՈՒՊԱՏՈՍՈՒԹՅՈՒՆ" եւ "EMBASSY OF ARMENIA" կամ "CONSULATE GENERAL OF ARMENIA" բառերը (N 1 ձև):

3. Հայաստանի Հանրապետության պետական սահմանի անցման կետերում խմբակային մուտքի վիզա ստացած օտարերկրացու անձնագրում անձնագրային եւ վիզաների վարչության կողմից տրված մուտքի վիզաները հաստատվում են 55 x 40 մմ չափսերով, մուտքի վիզան տրամադրող մարմնի կողմից նշմամբ ուղղանկյուն դրոշմակնիքով, որի վրա հայերենով եւ անգլերենով նշված են "ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՀՀ ՈՍՏԻԿԱՆՈՒԹՅՈՒՆ ԱՆՁՆԱԳՐԱՅԻՆ ԵՎ ՎԻԶԱՆԵՐԻ ՎԱՐՉՈՒԹՅՈՒՆ", "POLICE OF THE REPUBLIC OF ARMENIA UNDER THE GOVERNMENT OF THE REPUBLIC OF ARMENIA PASSPORT AND VISAS DEPARTMENT" բառերը, ապա ` " N ----- կող, code ----", "տրվել է խմբակային մուտքի վիզա մինչև", "given group viza until" "---- 20 թ." գրառումը (N 2 ձև):

4. Հայաստանի Հանրապետության մուտքի վիզայի ժամկետը երկարաձգելու համար ` մուտքի վիզա տրամադրող մարմնի կողմից օտարերկրացու անձնագրի ` վիզաների համար նախատեսված էջում կատարվում է նշում մուտքի վիզայի ժամկետը երկարաձգելու մասին: Վիզայի ժամկետը երկարաձգվում է 55 x 40 մմ չափսերով, մուտքի վիզայի ժամկետը երկարաձգող մարմնի կողմից նշմամբ ուղղանկյուն դրոշմակնիքով, որի վրա հայերենով եւ անգլերենով նշված են "ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՀՀ ՈՍՏԻԿԱՆՈՒԹՅՈՒՆ ԱՆՁՆԱԳՐԱՅԻՆ ԵՎ ՎԻԶԱՆԵՐԻ ՎԱՐՉՈՒԹՅՈՒՆ", "POLICE OF THE REPUBLIC OF ARMENIA UNDER THE GOVERNMENT OF THE REPUBLIC OF ARMENIA PASSPORT AND VISAS DEPARTMENT", իսկ Հայաստանի Հանրապետության արտաքին գործերի նախարարության կողմից տրամադրված մուտքի վիզաների ժամկետները երկարաձգելու դեպքում ` "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ", "MINISTRY FOR FOREIGN AFFAIRS OF THE REPUBLIC OF ARMENIA" բառերը, ապա ` "N ----- կող, code ----", "վիզայի ժամկետը երկարաձգված է մինչև", "the visa is extended until" "---- 20 թ." գրառումը (N 3 ձև):

5. Վիզա տրամադրող մարմինների կողմից Հայաստանի Հանրապետության մուտքի վիզայի տրամադրման մերժման դեպքում անձնագրի ` վիզաների համար նախատեսված էջում 55 x 35 մմ չափսերով ուղղանկյուն, համապատասխան կողով, հայերենով եւ անգլերենով "մուտքի վիզա տրամադրելը մերժվել է" "the entering visa is

rejected" "----- 20 թ." գրառմամբ դրոշմակնիքով կատարվում է համապատասխան նշում: Անձնագրային եւ վիզաների վարչության կողմից մուտքի վիզաների տրամադրման մերժման դրոշմակնիքի վրա նշված են "ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՀՀ ՈՍՏԻԿԱՆՈՒԹՅՈՒՆ ԱՆՁՆԱԳՐԱՅԻՆ ԵՎ ՎԻԶԱՆԵՐԻ ՎԱՐՉՈՒԹՅՈՒՆ", "POLICE OF

THE REPUBLIC OF ARMENIA UNDER THE GOVERNMENT OF THE REPUBLIC OF ARMENIA PASSPORT AND VISAS DEPARTMENT" բառերը: Հայաստանի Հանրապետության արտաքին գործերի նախարարության կողմից մուտքի վիզաների տրամադրման մերժման դրոշմակնիքների վրա նշված են "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ", "MINISTRY FOR FOREIGN AFFAIRS OF THE REPUBLIC OF ARMENIA", իսկ օտարերկրյա պետություններում` Հայաստանի Հանրապետության դիվանագիտական ներկայացուցչությունների եւ հյուպատոսական հիմնարկների կողմից մուտքի վիզաների տրամադրման մերժման դրոշմակնիքների վրա նշված են մուտքի վիզան տրամադրող մարմնի գտնվելու քաղաքի անվանումը, "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԵՍՊԱՆՈՒԹՅՈՒՆ" կամ "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ

ՀՅՈՒՊԱՏՈՍՈՒԹՅՈՒՆ" եւ "EMBASSY OF THE REPUBLIC OF ARMENIA" կամ "CONSULATE GENERAL OF THE REPUBLIC OF ARMENIA" բառերը (N 4 ձև):

6. Հայաստանի Հանրապետության մուտքի վիզայի ժամկետի երկարաձգումը մերժվելու դեպքում մուտքի վիզա տրամադրող մարմինների կողմից օտարերկրացու անձնագրի` վիզաների համար նախատեսված էջում կատարվում է նշում 55 x 40 մմ չափսերով ուղղանկյուն դրոշմակնիքով, որի վրա նշված են մուտքի վիզայի ժամկետի երկարաձգումը մերժող մարմնի կողը, անձնագրային եւ վիզաների վարչության կողմից մուտքի վիզայի ժամկետի երկարաձգումը մերժվելու դեպքում` հայերենով եւ անգլերենով` "ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՀՀ ՈՍՏԻԿԱՆՈՒԹՅՈՒՆ ԱՆՁՆԱԳՐԱՅԻՆ ԵՎ

ՎԻԶԱՆԵՐԻ ՎԱՐՉՈՒԹՅՈՒՆ", "POLICE OF THE REPUBLIC OF ARMENIA UNDER THE GOVERNMENT OF THE REPUBLIC OF ARMENIA PASSPORT AND VISAS DEPARTMENT", իսկ Հայաստանի Հանրապետության արտաքին գործերի նախարարության կողմից մուտքի վիզայի ժամկետի երկարաձգումը մերժվելու դեպքում` "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ", "MINISTRY FOR FOREIGN AFFAIRS OF THE REPUBLIC OF ARMENIA" բառերը: Դրոշմակնիքի ներքեի մասում հայերենով եւ անգլերենով նշվում է "մուտքի վիզայի ժամկետի երկարաձգումը մերժվել է", "the extension of visa is rejected", "----- 20 թ." գրառումը (N 5 ձև):

7. Հայաստանի Հանրապետության մուտքի վիզան ուժը կորցրած ճանաչվելու դեպքում օտարերկրացու անձնագրի` վիզաների համար նախատեսված էջում մուտքի վիզա տրամադրած մարմնի կողմից 55 x 35 մմ չափսերով ուղղանկյուն դրոշմակնիքով կատարվում է համապատասխան նշում: Դրոշմակնիքի վրա նշված են վիզան ուժը կորցրած ճանաչած մարմնի կողը, հայերենով եւ անգլերենով "մուտքի վիզան ուժը կորցրած է ճանաչվել" "the entry visa is cancelled", "----- 20 թ." գրառումը եւ վիզան ուժը կորցրած ճանաչած մարմնի անվանումը` "ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՀՀ ՈՍՏԻԿԱՆՈՒԹՅՈՒՆ ԱՆՁՆԱԳՐԱՅԻՆ ԵՎ ՎԻԶԱՆԵՐԻ ՎԱՐՉՈՒԹՅՈՒՆ", "POLICE OF THE REPUBLIC OF ARMENIA UNDER THE GOVERNMENT OF

THE REPUBLIC OF ARMENIA PASSPORT AND VISAS DEPARTMENT" կամ "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ", "MINISTRY FOR FOREIGN AFFAIRS OF THE REPUBLIC OF ARMENIA" բառերը, իսկ օտարերկրյա պետություններում՝ Հայաստանի Հանրապետության դիվանագիտական ներկայացուցչությունների եւ հյուպատոսական հիմնարկների կողմից մուտքի վիզան ուժը կորցրած ճանաչվելու դրոշմակնիքների վրա՝ մուտքի վիզան տրամադրող մարմնի գտնվելու քաղաքի անվանումը, "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԵՍՊՊԱՆՈՒԹՅՈՒՆ" կամ "ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ՀՅՈՒՊԱՏՈՍՈՒԹՅՈՒՆ" եւ "EMBASSY OF THE REPUBLIC OF ARMENIA" կամ "CONSULATE GENERAL OF THE REPUBLIC OF ARMENIA" բառերը (N 6 ձև):

8. Հայաստանի Հանրապետության պետական սահմանի անցման կետում սահմանապահ զորքերի կողմից օտարերկրացու մուտքը Հայաստանի Հանրապետություն մերժվելու դեպքում օտարերկրացու անձնագրի՝ վիզաների համար նախատեսված էջում 55 x 35 մմ չափսերով ուղղանկյուն դրոշմակնիքով կատարվում է համապատասխան նշում: Դրոշմակնիքի վրա հայերենով եւ անգլերենով նշված են "ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆ ՍԱՀՄԱՆԱՊԱՀ ԶՈՐՔԵՐ", "NATIONAL SECURITY SERVICE UNDER THE GOVERNMENT OF THE REPUBLIC OF ARMENIA BORDER TROOPS" բառերը, ապա՝ "Հայաստանի Հանրապետություն մուտքը մերժվել է", "the entry to the Republic of Armenia is rejected", "----- 20 թ." գրառումը (N 7 ձև):

ԻՐՏԵԿ - N 1, 2, 3, 4, 5,  
6 եւ 7 ձևերը չեն բերվում

Հավելված N 4  
ՀՀ կառավարության  
2007 թվականի հոկտեմբերի 4-ի  
N 1268-Ն որոշման

**ԿԱՐԳ**  
**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՈՒՏՔԻ ՎԻԶԱՆԵՐՆ ԸՍՏ ԱՅՑԵԼՈՒԹՅԱՆ ՏԵՍԱԿԻ**  
**ԿՈՂԱՎՈՐԵԼՈՒ**

1. Հայաստանի Հանրապետության մուտքի վիզաներն ըստ այցելության տեսակի կոդավորում են՝
- 1) այցելության մուտքի վիզա՝ հարազատներին (ընկերներին) այցելելու, տեսակցելու կամ զբոսաշրջության (հանգստի) նպատակով՝ Ա/V-1.
  - 2) այցելության մուտքի վիզա՝ ընտանիքի վերամիավորման նպատակով՝ Ա/V-2.
  - 3) այցելության մուտքի վիզա՝ բուժման նպատակով՝ Ա/V-3.
  - 4) այցելության մուտքի վիզա՝ Հայաստանի Հանրապետության կրթական

հաստատություններում ուսանելու նպատակով՝ Ա/Վ-4.

5) այցելության մուտքի վիզա՝ Հայաստանի Հանրապետությունում կազմակերպվող մշակութային, մարզական, գիտական եւ այլ միջոցառումների, խորհրդածոյունների մասնակցելու նպատակով՝ Ա/Վ-5.

6) այցելության մուտքի վիզա՝ Հայաստանի Հանրապետությունում տեխնիկական աջակցության, մարդասիրական, բարեգործական, ֆինանսական օգնության կարճատեւ ծրագրերի իրականացման նպատակով՝ Ա/Վ-6.

7) այցելության մուտքի վիզա՝ Հայաստանի Հանրապետությունում գործարար բանակցություններին մասնակցելու, աշխատանքային գործունեություն իրականացնելու, տնտեսական գործունեություն ծավալելու (առեւտրային կազմակերպություն հիմնադրելու, օտարերկրյա պետության առեւտրային կազմակերպության մասնաճյուղ կամ ներկայացուցչություն հիմնադրելու, Հայաստանի Հանրապետությունում ներդրում կատարելու, ապրանքների եւ ծառայությունների ներմուծում եւ արտահանում իրականացնելու) նպատակով՝ Ա/Վ-7.

8) այցելության մուտքի վիզա՝ միջազգային օդային կամ ցամաքային ուղեւորափոխադրումներ իրականացնող տրանսպորտային միջոցների անձնակազմների անդամների համար՝ Ա/Վ-8.

9) տարանցիկ մուտքի վիզա՝ Հայաստանի Հանրապետության տարածքով օդային կամ ցամաքային տրանսպորտով երթուղիների համար մեկ մուտքի կամ մեկ տարի վավերականության ժամկետով բազմակի մուտքի համար՝ S/T.

10) դիվանագիտական մուտքի վիզա՝ Հայաստանի Հանրապետությունում հավատարմագրված դեսպանությունների եւ հյուպատոսական հիմնարկների, Հայաստանի Հանրապետությունում նստավայր ունեցող միջազգային կազմակերպություններում կամ դրանց ներկայացուցչությունների աշխատողների եւ նրանց ընտանիքի անդամների համար՝ մինչեւ 3 տարի ժամկետով բազմակի մուտքի համար՝ Դ/D-1.

11) դիվանագիտական մուտքի վիզա՝ պաշտոնական, պետական, աշխատանքային այցով կամ ծառայողական նպատակներով Հայաստանի Հանրապետություն ժամանող պատվիրակության անդամներին եւ նրանց ընտանիքի անդամներին, ինչպես նաեւ պաշտոնատար անձանց համար՝ մեկ մուտքի կամ մինչեւ 1 տարի վավերականության ժամկետով բազմակի մուտքի համար՝ Դ/D-2.

12) դիվանագիտական մուտքի վիզա՝ ոչ ծառայողական նպատակներով Հայաստանի Հանրապետություն ժամանողների համար՝ մինչեւ 120 օր վավերականության ժամկետով մեկ մուտքի համար՝ Դ/D-3.

13) պաշտոնական մուտքի վիզա՝ Հայաստանի Հանրապետությունում հավատարմագրված դեսպանությունների եւ հյուպատոսական հիմնարկների, Հայաստանի Հանրապետությունում նստավայր ունեցող միջազգային կազմակերպություններում կամ դրանց ներկայացուցչությունների դիվանագիտական կարգավիճակ չունեցող աշխատողների եւ նրանց ընտանիքի անդամների համար՝ մինչեւ 3 տարի ժամկետով բազմակի մուտքի համար՝ Պ/O-1.

14) պաշտոնական մուտքի վիզա՝ Հայաստանի Հանրապետությունում պետական մարմինների կամ Հայաստանի Հանրապետությունում հավատարմագրված դեսպանությունների, հյուպատոսական հիմնարկների, միջազգային կազմակերպությունների կամ դրանց ներկայացուցչությունների հրավերով ծառայողական նպատակներով Հայաստանի Հանրապետություն ժամանող օտարերկրյա

պետությունների կամ միջազգային կազմակերպությունների պաշտոնատար անձանց՝ մեկ մուտքի կամ մեկ տարի վավերականության ժամկետով բազմակի մուտքի համար՝ Պ/Օ-2.

15) պաշտոնական մուտքի վիզա՝ սովորական անձնագրերով պաշտոնական պատվիրակությունների անդամների համար՝ մեկ մուտքի կամ մեկ տարի վավերականության ժամկետով բազմակի մուտքի համար՝ Պ/Օ-3:

Հավելված N 5  
ՀՀ կառավարության  
2007 թվականի հոկտեմբերի 4-ի  
N 1268-Ն որոշման

#### **ԿԱՐԳ**

### **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՈՒՏՔԻ ՎԻԶԱ ՍՏԱՑԱԾ ԱՆՁԱՆՑ ՏՎՅԱԼՆԵՐԻ ԲԱՆԿԻ ՎԱՐՄԱՆ, ՏՎՅԱԼՆԵՐԻ ՍՈՒՏՔԱԳՐՄԱՆ ԵՎ ՏՐԱՄԱԴՐՄԱՆ**

1. Հայաստանի Հանրապետության մուտքի վիզա ստացած օտարերկրացու տվյալները վիզա տրամադրող մարմնի կողմից մուտքագրվում են տվյալների բանկ, որը վարում է անձնագրային եւ վիզաների վարչությունը:

2. Տվյալների բանկ են մուտքագրվում օտարերկրացու մասին ստորեւ նշված տվյալները՝

- 1) քաղաքացիության երկիրը,
- 2) անձը հաստատող փաստաթղթի տեսակը,
- 3) անձը հաստատող փաստաթղթի սերիան եւ համարը,
- 4) անձը հաստատող փաստաթղթի վավերականության ժամկետը,
- 5) սեռը,
- 6) ծննդյան օրը, ամիսը, տարեթիվը,
- 7) ազգանունը,
- 8) անունը, հայրանունը (առկայության դեպքում),
- 9) անձը հաստատող փաստաթղթում անձերի թիվը,
- 10) վիզայի տեսակը,
- 11) վիզայի կողը,
- 12) վիզայի գործողության ժամկետը,
- 13) վիզայի համարը:

3. Հայաստանի Հանրապետության մուտքի վիզա ստացած օտարերկրացիների տվյալների բանկից անձնագրային եւ վիզաների վարչությունը պահանջագրերի հիման վրա Հայաստանի Հանրապետության մուտքի վիզա ստացած օտարերկրացիների մասին տեղեկություններ է տրամադրում Հայաստանի Հանրապետության Նախագահի աշխատակազմին, Հայաստանի Հանրապետության կառավարությանն առընթեր ազգային անվտանգության ծառայությանը, Հայաստանի Հանրապետության կառավարության առընթեր

Հայաստանի Հանրապետության ոստիկանության համապատասխան ստորաբաժանումներին,  
Հայաստանի Հանրապետության արտաքին գործերի նախարարությանը, Հայաստանի  
Հանրապետության կառավարությանն առընթեր ազգային անվտանգության ծառայության  
սահմանապահ զորքերին, ինչպես նաև օրենքով նախատեսված դեպքերում՝ Հայաստանի  
Հանրապետության դատարաններին ու Հայաստանի Հանրապետության քրեական հետապնդում  
իրականացնող մարմիններին: